

Расулуллоҳ (с.а.в)

16:08 / 19.04.2017 5791

Шукр бирла отар ҳар-бир тонгимиз,
Муҳаббатингизла тўлган онгимиз,
Фидодир сизга бу жисму-жонимиз,
Аллоҳ суйган, улуғ инсон, Набиюллоҳ,
Шафоатчимизсиз бизнинг Расулуллоҳ.

Хаётимиз суннатингиз ила ўтгай,
Суннатингиз маҳкам тутган бахтга етгай,
Тўғри йўлдан юриш жаннатларга элтгай,
Меҳрибоним, Мушфиқимсиз, Набиюллоҳ,
Шафоатчимизсиз бизнинг Расулуллоҳ.

Росғўйликни таълим бериб, ўргатиб,
Сиз кетдингиз умматларни тарк этиб,
Тушларимга кирингиз бахтли этиб,
Барча умматларга суюкли Набиюллоҳ,
Шафоатчимизсиз бизнинг Расулуллоҳ.

Илм фарз деб ҳар мусулмон умматга,
Йўлладингиз инсоф, имон, ибодатга,
Эришсин деб барча уммат саодатга,

Ёд этамиз сизни ҳар вақт Набиюллоҳ,
Шафоатчимизсиз бизнинг Расулуллоҳ.

Айтган ҳар-бир сўзингиз чин ҳикматдир,
Дунёдаги олтин, дурдан қимматдир,
Соф етказмоқ уни бизга хизматдир,
Ширинсўз, ҳушзабондирсиз Набиюллоҳ,
Шафоатчимизсиз бизнинг Расулуллоҳ.

Ибодатлар қилиб сизни ёд айласам,
Тунлар бедор Аллоҳга фарёд айласам,
Гоҳо билмай гуноҳу исён айласам,
Авф этарми Аллоҳим, Набиюллоҳ?
Шафоатчимизсиз бизнинг Расулуллоҳ.

Номингизни ёд айладим шеърлар битиб,
Шафоатингиздан мен ҳам умид этиб,
Вақти келиб бу дунёдан кетсам ўтиб,
Бўла олдимми чин умат ё Набиюллоҳ?
Шафоатчимизсиз бизнинг ё Расулуллоҳ.

И л т и ж о . . .

Нафсимни тарбия этишим учун,
Ҳақ йўлда бардавом кетишим учун,
Қалбимга илм уруғин сепишим учун,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Чин дилдан сўраса бергувчи зотсан,
Ҳожатманд инсонга олий нажотсан,
Барча ўткинчидир, сен барҳаётсан,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Солиҳ бандалардан бўлай Ўзингга,
Амал қилай айтган ҳар бир сўзингга,
Қиёматда пардасиз боқай юзингга,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Кўзимдаги бор ёшим сен учун оқсин,
Қилган амалларим Ўзингга ёқсин,
Мўъмин бандаларинг саодат топсин,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

Гар мадад бермасанг йўқдир чорамиз,
Назаринг тушмаса биз бечорамиз,
Мадад истаб яна қайга борамиз,
Ўзинг мадад бергин, Ўзинг қўллагин,
Жаннатга элтувчи йўлга йўллагин.

И л м . . .

Илм шундай улуғликки, улғайтиргай кишини,
Илмлилар ўйлаб қилар ҳар-бир қилган ишини.
Илм олмоқ учун аввал, ҳолис ният даркордир,
Ҳолис ниятли инсонга, Аллоҳим мададкордир.

Илмга рағбат қилиш ҳар бандага фарз бўлди,
Чунки, Аллоҳ Қуръонда "Ўқи!" деб амр қилди.
Адо қилмоқ илинжида роббимизнинг амрини,
Ҳайётдаги қарз деб билдик илм олиш дардини.

Илм олишга отландик мадрасайи муборакка,
Уни билиш боғлиқ экан каттагина матонатга.
Илм олиш мобайнида одобни ҳам ўргандик,
Чунки, илм одобсизга зийнат эмас билгандик.

Тинглар эдик устозлар айтар ҳар-бир сўзларин,

Илоҳий нур нурлантирар устозларим юзларин.
Дилдан айтган ўғитлари бизга ҳамроҳ хамиша,
Билиб олдик не билмасак, қилмадик ҳеч андиша.

Таълим берди устозларим ҳаққа етмоқ йўлини,
Маҳкам тутиб адашмадик ул зотларнинг қўлини.
Ёмон сўзлар сўзламадик, оғритмадик дилини,
Ўргатдилар малолланмай билган барча илмини

Дейдиларки устозларим: "Сиз барига сабр қилинг,
Динни ҳолис етказмоқни бир умурлик қарз билинг"
Ўргатган ҳар таълимлари қалбимизда нур бўлди,
Олган ҳар бир талимимиз етказмоқлик фарз энди.

Йиғган барча илмимиз, бўлди мисқолларга тенг,
Бундан кейин бунданда кўп йиғмоқни ғамини енг!
Ахир бизни кутмоқдадир, порлоқ, нурли келажак,
Бугун таълим олган, албат эрта таълим беражак.

Абдуносир Абдулмалик ўғли

Тошкент ислом институти талабаси